

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第六五冊

地方志人物傳記資料叢刊

國
家
圖
書
館
編

北京圖書館出版社

第六十五冊目錄

(同治)清江縣志

人物志(上)	一
名臣	
理學	三三
宦業	五六
人物志(中)	一六一
儒林	
忠義	二〇〇
孝友	二四二
隱逸	二五九
文苑	二六八
善士	二九二
壽民	二九七

人物志(下)	二九九
--------	-----

方伎	
寓賢	三〇四

(同治)靖安縣志

人物志(上)	三二一
名臣	
宦業	三三九
理學	三八九
文苑	三九五
忠義	四二九
人物志(下)	四七三
孝友	
義夫	四九四
善士	四九七
隱逸	五一七
寓賢	五三四

清江縣志卷之八

人物志上

名臣

三國吳

聶友字文悌豫章人

今清江鎮人

少爲縣吏有唇吻虞翻從

交州縣令使友送之翻與語而奇焉爲書與豫章太守

謝斐令以爲郡功曹郡時見有功曹斐見之問曰縣吏

聶友可堪何職對曰此人縣間小吏耳猶可堪曹佐斐

曰論者以爲宜作功曹君其避之乃用爲功曹使至都

諸葛恪友之時論謂顧子默子真其閒無所復容恪欲

以友居其間由是知名初孫權將圖珠崖以問軍師全
琮琮曰以聖朝之威何向不克然殊方異域隔絕瘴海
水土氣毒自古有之兵入民出自生疾病轉相汙染往
者懼不能反所獲何可多致猥虧江岸之兵以冀萬一
之利愚臣竊所不安權不聽恪薦友爲珠崖太守詔加
友將軍與校尉陸凱同往執馘獻捷留友治之友慮師
久致疲簡其精銳自衛餘先遣還權大悅徵拜丹陽太
守會恪復欲出軍伐魏友以書諫恪曰大行皇帝本有
遏東關之計計未施行今公輔贊大業成先帝之志尅
遠自送將士憑賴威德出身用命一旦有非常之功豈

非宗廟神靈社稷之福耶宜且按兵養銳觀釁而動今
乘此勢復欲大出天時未可而苟任盛意私心以爲不
安恪題所著論後爲書答友曰足下雖有自然之理然
未見大數熟省此論可以開悟矣於是遠衆出軍大發
州郡二十萬衆百姓騷動始失人心及恪退軍還友知
其將敗書與滕允曰當人強盛河山可拔一朝羸縮人
情萬端言之悲歎恪誅後孫峻忌友欲以爲鬱林太守
友發病卒年三十三

吳志參吳錄粵大記

按雷次宗豫章記聶友於封溪夜射白鹿中之封溪
在新淦縣北二十里據此友當爲豫章新淦人今清

江鎮卽古新淦縣地昔時射鹿處也舊志載聶友入
清江人物以此

梁

湛僧智豫章新淦人爲梁譙州刺史與胡紹世魚宏張
登並爲當時驍將普通六年從豫州刺史裴邃侵魏自
南道攻壽陽未克而邃卒朝命夏侯亶持節代邃七年
亶帥僧智及魚宏張登等通清流澗將入淮肥魏軍夾
肥築城出亶後亶與僧智還襲破之進攻黎漿貞威將
軍韋放自比道會焉兩軍旣合所向皆降凡降城五十
二獲男女口七萬五千人遂圍魏東豫州刺史元慶和

於廣陵入其郛魏將軍元顯伯率軍赴援僧智迎擊破之夏侯夔自武陽會僧智斷魏軍歸路慶和於內築柵以自固及夔至遂請降夔讓僧智僧智曰慶和志欲降公不欲降僧智往必乖其意且僧智所將烏合募人不可御以法公持軍素嚴必無犯令受降納附深得其宜於是夔乃登城受慶和降詔以僧智領東豫州鎮廣陵南史叅梁書

司馬溫公曰僧智忘其積時攻戰之勞以授一朝新至之將知已之短不掩人之長功成不取以濟國事忠且無私可謂君子矣

鄧志曰僧智事見南史張惠紹夏侯夔傳及梁書夏侯夔傳俱未載何許人考鄭漁仲通志氏族畧於湛氏注云後漢有大司農湛重晉荊州刺史陶侃母湛

氏湛方生宋湛茂之梁有司州刺史湛僧智唐有湛
黃望出新淦孫章今按漢湛重本作湛重而附侃母
湛氏乃新淦人則僧智爲古
新淦人卽今清江鎮人也

宋

劉立之字斯立式中子也少孤能自立舉進士爲福州
連江尉睦州清溪簿宣州南陵令改大理寺丞知金華
縣太子中舍知梓州中江縣通判瀘州瀘州接西南夷
常用武人爲守數怨叛議者以武人不習邊情宜得能
吏判州事立之始以才選爲明約束止侵欺曰必使信
自我始邊人安之通判常州知高郵軍累遷殿中丞國
子博士尚書虞部北員外郎知潤州皆有能政以能選爲

提點福建路刑獄察獄冤奏黜知泉州蘇壽通判張大
冲所部皆震悚御史考其課爲天下第一遷司勳員外
郎開封府判官荆湖北路轉運使坐舉官免杜衍李若
谷范仲淹等皆言天下多事如劉立之不宜久居於家
復起爲比部員外郎知漣水軍言事者以謂自元昊反
而天下之民弊州縣吏苟簡弛壞宜大選轉運按察諸
路立之以選爲荆湖北路轉運使他路繩吏過急而被
按劾多不服立之舉察簡而賢否無不當時廣西湖南
夔峽諸蠻叛亂立之所部辰州彭氏蠻亦招集亡命囚
辱州縣使人辰鼎澧三州守吏皆言蠻叛有蹟請加兵

詔書問立之下三州無得妄動一聽立之所爲而蠻卒
無事復爲司勳員外郎判三司度支勾院改鹽鐵判官
假大常少卿接伴契丹使遂使於契丹還言澶魏築河
隄非其時雖成必決後河果決商胡爲人沉斂少言笑
與人寡合而喜薦士被薦者多爲聞人轉運鹽鐵皆掌
財賦而立之嘗以民爲先調率吏不得因緣而民不重
費守官不爲勢牽不爲利奪瀘州有鹽井蜀大姓王蒙
正請歲倍輸以自占蒙正與太后嫺連轉運使等皆不
敢與奪立之曰倍輸於國家猶秋毫耳奈何使貧民失
業遂執不與在鹽鐵次當舉官三司使欲用其私人以

空名狀請署立之不肯署而求舉者姓名三司使不悅
命他判官舉之後三司使竟坐所舉罷慶厯八年遷主
客郎中益州路轉運使其年卒於官年六十四五子敞
敞最知名 六一居士集

劉敞字逢父舉慶厯進士廷試第一編排官王堯臣其
內兄也以親嫌自列乃以爲第二通判蔡州直集賢院
判尚書考功郎夏竦薨賜諡文正敞言諡者有司之事
竦行不應法今百司各得守其職而陛下侵臣官疏三
上改諡文莊方議定大樂使中貴人叅其閒敞諫曰王
事莫重於樂今儒學滿朝辨論有餘而使若趙談者叅

之臣懼爲袁盎笑也權度支判官徙三司使秦州與羌人爭古渭地仁宗問敞棄守孰便敞曰若新城可以蔽秦州長無羌人之虞傾國守焉可也或地形險利賊乘之以擾我邊鄙傾國爭焉可也今何所重輕而殫財困民損士卒之命以規小利使曲在中國非利也議者多不同秦州自是多事矣溫成后追冊有佞人獻議求立忌敞曰豈可以私昵之故變古越禮乎乃止吳充以典禮得罪馮京論救之亦罷近職敞因對極論之帝曰充能官京亦無他中書惡其大直不相容耳敞曰陛下寬仁好諫而中書乃排逐言者是蔽君之明止君之善也

臣恐感動陰陽有日食地震風霾之異已而果然因勸
帝收攬威權無使聰明蔽塞以消災咎帝深納之以同
修起居注未一月擢知制誥宰相陳執中惡其斥已沮
止之帝不聽宦者石泉彬領觀察使意不愜有愠言居
三日爲真敞封還除書不草制奉使契丹素習知山川
道徑契丹導之行自古北口至柳河回曲殆千里欲夸
示險遠敞質譯人曰自松亭趨柳河甚徑且易不數日
可抵中京何爲故道此譯相顧駭愧曰實然但通好以
來置驛如是不敢變也順州山中右異獸如馬而食虎
豹契丹不能識問敞敞曰此所謂駿也爲說其音聲形

狀且誦山海經管子書曉之契丹益歎服使還求知揚
州狄青起行伍爲樞密使每出入小民輒聚觀至相與
推誦其拳勇至壅馬足不得行帝不豫人心動搖青益
不自安敞辭赴郡爲帝言陛下幸愛青不如出之以全
其終帝領之使出諭中書青乃去位揚之雷塘漢雷陂
也舊爲民田其後官取陂水而不償以它田王皆失業
然塘亦破決不可漕州復用爲田敞據塘舊券悉用還
民發運使爭之敞卒以予民天長縣鞠王甲殺人旣具
獄敞見而察其冤甲畏吏不敢自直敞以委戶曹杜誘
誘不能有所平反而傳致益牢將論囚敞曰冤也親按

問之甲知能爲己直乃敢告蓋殺人者富人陳氏也相傳以爲神明徙鄆州鄆比易守政不治市邑攘斂公行敞決獄訟明賞罰境內肅然容行壽張道中遺一囊錢人莫敢取以告里長里長爲守視客還取得之又有暮遺物市中者旦往訪之故在先是久旱地多蝗敞至而雨蝗出境召糾察在京刑獄營卒桑達等醉鬪指斥乘輿皇城使捕送開封棄達市敞移府問何以不經審訊府報曰近例凡聖旨及中書樞密所鞠獄皆不慮問敞奏請一準近格樞密院不肯行敞力爭之詔以其章下府著爲令嘉祐祐享羣臣上尊號宰相請撰表敞說止

不得乃上疏曰陛下不受徽號且二十年今復加數字
不足盡聖德而前美並棄誠可惜也今歲來頗有災異
正當寅畏天命深自抑損豈可於此時乃以虛名爲累
帝覽奏願侍臣曰我意本謂當爾遂不受蜀人龍昌期
著書傳經以詭僻惑衆文彥博薦諸朝賜五品服敞與
歐陽修俱曰昌期違古畔道學非而博王制之所必誅
未使卽少正之刑已幸矣又何賞焉乞追還詔書毋使
有識之士窺朝廷深淺昌期聞之懼不敢受賜敞以議
論與衆忤求知永興軍拜翰林侍讀學士大姓范偉爲
姦利冒同姓戶籍五十年持府縣短長數犯法敞窮治